



Ա. ԵՐԵՄՅԱՆ

## ՄԱՆՐԱՆԿԱՐԻՉ ՍԱՐԳԻՍ ՊԻՇԱԿ\*

(14-րդ դար)

### 3. ԿԻԼԻԿՅԱՆ ԱՐՎԵՍՏԱԿԵՏԸ

Կիլիկյան հայ հոյակապ նկարչական արվեստի ամենից իրապաշտ, փայլուն և ինքնատիպ դեմքերից մեկն է Սարգիս Պիժակը, որ ապրել ու ստեղծագործել է 14-րդ դարի առաջին կիսում: Ռուբինյանց շրջանում հանդես գալով ստեղծագործական ասպարեզ, նա հայ մանրանկարչական արվեստի լավագույն արտահայտիչն է հանդիսանում, իսկ իր վրձինով Դրազարկի և Սսի արքայական դպրոցի «գերահամբաւեալ և յոյժ հմուտ նկարագրութեան արուեստի» նշանավոր մանրանկարիչը, դիմանկարիչը, գրաֆիկ նկարիչը, ոսկողը և զարդանկարիչը հռչակվում: Դա այն ժամանակաշրջանն էր, երբ ռուբինյան մանրանկարչությունն, իր ծաղկման փայլուն նվաճումներից հետո, ապրում էր իր վերջին շրջանը, ուր ցոլանում է նաև Սարգիս Պիժակի պայծառ կերպարը: Առհասարակ, նրա կյանքի ու նկարչական գործունեության շրջանն ամբողջովին ընդգրկում է կիլիկյան միջավայրը և գրեթե ամբողջովին տիրող գեղարվեստական իրականությունը:

Նշենք մի էական հանդամանք ևս—Պիժակի վրձինի արտագրություններն, իրենց ինքնատիպ ոճով, ժանրով և ստեղծագործա-

կան տեխնիկայով վկայում են, որ նա լավ է տիրապետել նկարչական արվեստի բազմազան ձևերին ու միջոցներին, իսկ նկարչի արվեստի ամբողջ կոմպոզիցիոն (կազմության) կառուցվածքը և ժանրային ու ոճային առանձնահատկություններն ընդգրծում են նրա ստեղծագործական խոշոր ձիրքի մասին: Այդ արվեստում ցայտուն կերպով գրեթե ամբողջովին են նաև հայ բազմահարուստ նկարչական մշակույթի լավագույն ավանդները:

Անժխտելի է և այն, որ Սարգիս Պիժակի ստեղծագործական վրձինի համարձակ թուխքն ու որոնումները մեծապես նպաստել են նրան արվեստի բնագավառում կերտելու իր ինքնատիպ նկարչական դպրոցը, իր ուրույն ու վճիռ մանրանկարչական ոճը: Առհասարակ, բազմազան են այն ծառայությունները, որ նկարիչը մատուցել է հայ արվեստին:

Ապրելով և գործելով «մեծափառ և հրշակաւոր անապատ» Դրազարկում ու մայրաքաղաք Սստում, նա ոչ միայն պայքարել է հանուն հայ մասնագիտական մանրանկարչության զարգացման, այլև որպես իր կողման բարձրության վրա կազմած մանրանկարիչ՝ իրական կյանքը պատկերող իր մանրանկարներով և գծային նկարներով նշել է, թե նկարչության հիմնական նպատա-

\* Երբեքան վրձնապատկեր 1953 թվականի սեպտեմբերի համարից:

կը պիտի լինի կյանքի պատկերումը: Նա առաջ է քաշել ռեալիստական արվեստի անհրաժեշտությունը: Այդ հասկացողությամբ էլ նա վրձինել է իրական կյանքը դրսևորող մի շարք մանրանկարներ, որոնք ուշագրություն են գրավում իրենց գեղարվեստական արժանիքներով:

Այդ նկարներն առաջին հերթին փայլում են իրենց պարզությամբ, հստակությամբ ու նոր բովանդակությամբ: Պիժակը հայ առաջին նկարչներիցն է, որ վրձինել է ոչ միայն ժողովրդին հասկանալի ու հարազատ նկարներ, այլև նրան մատչելի արվեստով: Այդ նկարներով նա հանդես է եկել որպես հաստիգծագործական հղացումները ո՛չ միայն զարմանալի վարպետությամբ կարողացել է նկարչական երանգների հիասքանչ ներդաշնակությամբ վերարտադրել և այնքան ներբույրությամբ օգտագործել ռսկե երանգը, այլև իր արվեստի հատուկ ձևերով և հարուստ փորձով կերտել է գեղեցիկ մանրանկարներ: Խորացնել է նրա մի շարք մանրանկարների մեջ և այնտեղ պիտի տեսնեք արվեստի ներուժյուն, գեղեցիկ ճաշակ, հարուստ կոմպոզիցիա, ներդաշնակ գույների երաժշտություն, յուրահատուկ ոճավորություն, գունագեղություն, միաժամանակ մտքի խորություն և բանաստեղծական պատկերավորություն, հատկանիշներ, որոնք կազմում են Սարգիս Պիժակի մանրանկարչության հմայքն ու գեղեցկությունը:

Պիժակի բազմաժանր ստեղծագործությունների մեջ գրավիչ են նաև խոստուն և արտահայտիչ դիմանկարներ: Այդ հանգամանքը վկայում են նրա գծած մի շարք դեմքերը: Նրա վրձինի շնորհիվ է, որ այսօր ծանոթանում ենք 14-րդ դարի հետաքրքիր և պայծառ կերպարների հետ: Այնտեղ հանդես են գալիս թագավորներ, թագուհի, կաթողիկոս, զինվորականներ: Այնտեղ երևում են Ռուբինյան հայոց արքան՝ Վեոն Դ.ը, ժամանակի Հակոբ Բ. կաթողիկոսը, Կոստանդին Բ.ի կինը՝ Մարիուն թագուհին:

Նշանակալից է և այն, որ նկարիչը հասարակական բարձր դասի տիպարների հետ նկարել է նաև ժողովրդական խոնարհ դասի կերպարները — հովիվներ, անապատականներ, կանացի դեմքեր: Դա Պիժակի ստեղծագործության ուշագրավ հատկանիշներից մեկն է:

Փաստ է, որ միջնադարյան հայ նկարչներից շատերն իրենց վրձինի նյութ շեն դարձրել ժողովրդի շքավոր դասը: Պիժակն առաջիններից մեկն է, որ սիրելի և գնահատել է ժողովրդական հասարակ տիպարները: Եվ դա հասկանալի է ու բնական: Իբրև իսկական նկարիչ, իբրև իր կոչման բարձրություն վրա կանգնած արվեստագետ, Պիժակը չէր կարող անտարբեր մնալ ժողովրդի պարզ և հարազատ կերպարների նկատմամբ: Նա գծել է դեմքեր, որոնք բնության և աշխատանքի հարազատ դավաններ են:

Պիժակի նկարչական արվեստի շնորհիվ էլ այսօր ծանոթանում ենք ո՛չ միայն ռուբինյան հասարակության տարբեր խավերը պատկերող բնորոշ արտահայտության հետ, այլև ցայտուն զաղափար ենք կազմում դարաշրջանի սեղանական տիպիկ զգեստների մասին:

«Զտարազ զգեստուց թագաւորին, այլև ղժողովրդականաց՝ ցուցցէ մեզ,— կարդում ենք Հ. Ղևոնդ Ալիշանի «Միտուն»:



Կիլիկյան հովիվներ  
Մանրանկար Սարգիս Պիժակի

սարակական նկարիչ, որն ամբողջովին համակվել է դարաշրջանի գեղարվեստական առաջավոր գաղափարներով: Այդ մանրանկարներով նա հանդիսացել է նաև իր ժամանակի մանրանկարչության դրոշակակիրը: Առհասարակ նա իր վրձինով մեծապես դարկ է տվել ռուբինյան շրջանի ռեալիստական նկարչությանը, հանդիսանալով նրա տաղանդավոր մի ներկայացուցիչը:

Սարգիս Պիժակի արվեստի մի այլ կարելիոր առանձնահատկությունը նրա ինքնուրույն անմիջականությունն է: Նրա մանրանկարներն իր անձնական և հասարակական ապրումների ու մտածումների գեղարվեստական արտահայտությունն են: Նա իր

ում,— պատկեր նկարէն (... ի ժանօթ նկարչէ՝ Պիժակ Սարգսէ, որոյ էր և պատկեր Աւետարանին Դրագարկի), յորում թերևս պատուականագոյն քան զգեստուց գրելի է մեզ ցուցակութիւն կերպարանաց Լեոն Գ., որդւոյն Օշնի, որ աներկբայօրէն իսկական կենդանագիր է թագաւորին, նկարնալ յամի 1331, յորժամ էր նա ամաց քսան և երկուց կամ երից» (էջ 481):

Ահա թե ինչո՛ւ Սարգիս Պիժակի մի շարք նկարներն ունեն ո՛չ միայն նկարչական, այլև ազգագրական մեծ արժեք: Առհասարակ, նկարչի վրձինի արտադրութիւնները, իրենց ինքնատիպ արվեստով, մանրանկարչական ուշագրավ ստեղծագործութիւններ են և կիրիկյան գեղարվեստի մեծ արժեք ներկայացնող նկարների շարքում կարող են ուրույն տեղ գրավել:

4. ՆԿԱՐՉԻ ԾՆՈՂՆԵՐԸ

Սարգիս Պիժակի ծնողների մասին, զբժրախտարար, կենսագրական շատ քիչ տրվյալներ կան: Նրանց անուններն արձանագրված են 2. Ղևոնդ Ալիշանի «Սիսուան»ի մեջ (1885 թ.) 236-րդ էջում, ուր կարդում ենք — Գրիգոր Բանանայ — կիսն Հեղինէ:

Ձեռագիր մատյանների հիշատակարաններից գիտենք նաև այն, որ նկարչի հայրը հանդիսացել է իր դարաշրջանի գեղարվեստական ձիրքով ռժտված վաստակավոր մշակներից մեկը: Հասարակական կյանքում նա փայլել է ոչ միայն որպէս «պատուական վարժապետ», այլև երաժիշտ, որի հորինած նրբին եղանակները տարածվել են ժողովրդի լայն խավերում: Նա հռչակվել է նաև որպէս ճարտար գրիչ և դրչական արվեստի գծով արել է ուշագրավ նվաճումներ: Այդ մասին վկայում են նրա ավանդ թողած ձեռագիր մատյանները, որոնք վայելուղ գրութիւն գեղեցիկ նմուշներ են: 14-րդ դարի այս արժեքավոր արվեստագետի մասին

Անժխտելի է և այն, որ Սարգիս Պիժակը, որպէս նկարչութեան յավագույն դրոշակակիր, միայն մեկ գերագույն նպատակ է ունեցել — հայ մանրանկարչութեան զարգացումն ու վերելքը: Այդ գիտակցութեամբ էլ նա վրձինել է նկարչական արվեստի նոր և արժեքավոր էջեր: Նույնպէս անժխտելի է, որ նա իր բովանդակալից գործունեութեամբ և հարուստ ստեղծագործութեամբ ազդեցութիւն է գործել հայ նկարչական արվեստի զարգացման ընթացքի վրա: Պարզ է և այն, որ նա մեկն է ուրբինյան դարաշրջանի արվեստի վերածնութեան ականավոր կերտողներից, որի մանրանկարչական ժառանգութեան հարուստ փորձից, տեխնիկական միջոցներից ու նկարչական ինքնուրույն արվեստից երիտասարդ նկարիչները կարող են շատ բան սովորել:

2. Ղևոնդ Ալիշանն ընդգծել է այսպիսի բնորոշ տողեր.

«Ընդ այն ժամանակս էր պատուական վարժապետն և Երաժիշտն, և առաջին Բարտուղարն Սոյլ Գրիգոր, ու մակ Խույն, որ ասեն թէ մոմ դնէր յականջն՝ առ ի շահլ զբանս աշխարհականս, վասն այն կոչլցնաւ Խոյլ. որ երարձ գաւելորդն, և զպական լցոյց զՇարականին. որ նոյն օրինակքն կոչին Խլցկի, զոր ստուգեալ է նորա, և են Սուրբուն կոչեցեալ: Միս ևս արուեստ նրբալուր Խլին՝ Բարտուղարուն կամ զբուրին յոյժ ի պատուի էր և քաջ յաջողեալ ի Սիսուան, ի դրան արբունի և ի վանորայս, որոյ և կենդանի իմն վկայք մնան ձեռագիր մատենանքն»: Ահա այս արվեստագետ հոգեորականի արժանավոր զավակն է Սարգիս Պիժակը, որ իր գեղարվեստական գործունեութեամբ պատվավոր տեղ է գրավում հայ նկարչութեան, հետևաբար նաև մշակույթի պատմութեան էջերում:

5. ԻՆՉՈՒՒ ՊԻՇԱԿ Է ԿՈՉՎՈՒՄ ՆԿԱՐՉԸ

Սարգիս Պիժակը պատկանում է մեր անցյալի այն նկարիչների շարքին, որոնց կյանքի վերաբերյալ եղած տեղեկութիւնները խիստ աղքատիկ են և պակասավոր: Հայտնի չէ, ամենից առաջ, նկարչի ազգանունը, ոչ էլ ծննդան և մահվան ճիշտ թվականը: Այդ առթիվ կան միայն որոշ տվյալներ, որոնց համաձայն նա ապրել է 14-րդ դարի առաջին կիսում: Գիտենք նաև, որ վանական կրթութիւն է ստացել և իրեն նվիրել քահանայական կոչմանը, իսկ իր իսկական անունն է Սարգիս: Այդպէս էլ արձանագրել

է նա իր քահանայական ինքնանկարի վերևի մասում: Հայտնի է նաև Սարգիս Երեց անունով, իսկ իր գրած հիշատակարաններում իրեն կոչում է «սուտանուն», «Սարգիս նուստ քահանայ», կամ իրեն նսեմացնում է որպէս «անարժան», «բազմամեղ»:

Թե ի՞նչպիսի է ծագել նրա «Պիժակ» մականունը, այդ մասին տաղանդավոր բանաստեղծ և բանասեր 2. Ղևոնդ Ալիշանի «Սիսուան»ի 517-րդ էջում կարդում ենք հետևյալ լուսարանութիւնը.

5. 2. Ղևոնդ Ալիշան, «Սիսուան», էջ 517:

«Թուի Սարգիսս այս նոյն ինքն ծանօթն մեր ճարտար Պիծակն, և որդի ետոյ Գրիգորի քահանայի, զորոյ և մականուան ծագումն յայտնի է, որպէս թէ երբեմն յառնելն ծաղկի և ի նկարելն, պիծակ մի նստաւ հանդէպ նմա ի լուսամուտն, որ և շուտ նկարեաց զնա, զոր տեսեալ մերձակայիցն կարծեցին թէ պիծակն եկեալ նստաւ. զոր ընդ ձեռօքն վարելն նոցա զնա, ծիծաղեալ տէր Գրիգորն, ապա գի-

տացին զիրն, և զարմացեալ կոչեցին զնա Պիծակ»:

Չունենք այնուհետև Սարգիս Պիծակի ընտանեկան և տնտեսական դրութեան վերաբերյալ ճշգրիտ տվյալներ: Պարզ է միայն, որ իր կնոջ մահից հետո ձեռնադրվում է վարդապետ, ինչպես այդ երևում է արեղայական ինքնանկարից: Առհասարակ, նկարչի կյանքի հետ կապված որոշ հարցեր դեռ մնում են անորոշ և մութ:

**6. ՀԱՅ ԲԱՆԱՍԻՐՈՒԹՅՈՒՆԸ ՍԱՐԳԻՍ ՊԻԾԱԿԻ ՄԱՍԻՆ**

Հայ բանասիրության պատմության մեջ Սարգիս Պիծակի մասին կարդում ենք թեև հակիրճ, բայց ուշագրավ տողեր, որոնք իրենց բովանդակությամբ որոշ գաղափար են տալիս նրա գեղարվեստական գործունեու-

դուք, Սարգիս քահանայ կամ արեղայ, որդին Գրիգորի քահանայի և Հեղինեայ որոյ ճարտարութեան մատանց և կերպարանի դիմաց ցուցակ լիցի պատկերս այս ճշգրիտ քաղափարեալ յաւետարանէն (1331 ամի). յորում նշանաւոր է և խաչանիշ զորոշ աշտարակի տաճարաձև շինուածոյն կամ բերդին. յաւելաք յեղերս պատկերի աւետարանչին և զոմանս ի զարդուց նոյն գրոց, որ ի լուսանցս իշիցն: Ի ստորև պատկերի Ս. Ղուկայ գրէ նկարին հակիրճ. «զՍարգիս անարժան քահանայ զծաղկող սուրբ աւ. և զծն. յիշե.» ...Յաջողութեան Սարգսի յարուեստի նկարչութեան և ոսկելոյ՝ ցոյցք են և այլ ևս մատեանք... որախի են այլ աւետարան գրեալ յամի 1334, ի նոյն Գրիգոր գրչէ առաջնոյ աւետարանին (որ յամի 1325), յորում նոյնպէս կոչէ զինքն «Սարգիս սուտանուն քահանայ»... ծաղկող սուրբ տառիս և ոսկող»:



Տաղանդավոր մանրանկարչի մասին նպաստավոր կարծիք հայտնել է նաև արվեստագետ-բանասեր՝ Կիրիլիոս Գարեգին Ս. կաթողիկոսը: «Կաթողիկոսարանի ցուցահանդեսը՝ խորագրով հղվածում նա գրել է. «Դրազարկից<sup>6</sup>... Սարգիս Պիծակ բազմամաստակ նկարիչ, որ ի միջի այլոց ունի նկարած Ղևոն Դ-ի, Յակոբ Բ. կաթողիկոսի և Մարիուն թագուհու պատկեր-

**Հայ իշխան**

Մանրանկար Սարգիս Պիծակի

(Հայկ. ՍՍԻ Պետական մատենադարանի ձեռ. № 2627)

թյան մասին: Այդ տեսակետից բնորոշ են Հ. Ղևոնյ Ալիշանի «Սիսուանի» 235-րդ երեսում արձանագրված հետևյալ տողերը.

«Արժանի յիշատակի և ծանօթութեան է վերոյիշեալ ոսկողն և ծաղկող, այն է նկարիչ՝ աւետարանին գրելոյ յամի 1325, և նախայիշելոյն ևս աւետարանի գրելոյ յամի 1331, որ առ մեզս է, անթերի ամենայն մասամբ և պէսպէս գոճադեղ զար-

6. Կիրիլիայի նշանավոր վանքերի շարքում էր պատվավոր տեղն ունի Դրազարկը, որ 12—14-րդ դարերի հայ մշակութային շարժման մեջ, զվտավորապես առվեստի գծով, խոշոր դեր է կատարել: Այնտեղ ժամանակի վաստակավոր գործիչները՝ Սիմեոն, Վահան, Ավետիք («չոզնահաճար նկարակերտ»), Ստեփանոս վանական քահանան, Թորոս Հոռմկլայեցին և ուրիշներ իրենց գրած ձեռագրերով ո՛չ միայն զարկ են տվել հայ գրչական արվեստին, այլև հայ մատենագրության էջերը հարստացրել են նորանոր երկերով: Վանքի կամարների ներքո էլ ուսել է և դաստիարակվել մի ամբողջ սերունդ: Թերևս բնագծված երևույթներով էլ պետի բացատրել, որ Դրազարկն իր դպրոցով ժամանակին մեծ հաշակ ու համբաւ է վայելել:

ները... շատ նշանավոր ու բազմաշխատ նկարիչ է»<sup>7</sup>։  
 Կիլիկիո ժամանակագիր՝ Վահրամ Բարձրի կ նկարչին սեղմ տողերով հիշատակում է այսպես.

«Սարգիս երէց՝ բնորդի Ստեփանոսի Վահկացու, աւարտեալ է զգրութիւն հրաշագան և նկարազարդ գրոցն Արարածոց, զսկզբնատրեալն յաւուրս Բ. Առնի յանկ ելեալ յաւուրս Գ.ին»<sup>8</sup>։



Դավիթ մարգարեի Մանրանկար Սարգիս Պիժակի (Հայկ. ՍՍԻ Պետական մատենադարանի ձեռ. № 2627)

Բանանք նաև Հ. Ս. Էփրիկյանի «Բնաշխարհիկ բառարանը» (Վենետիկ, 1902 թ.), ուր ընդգծված են հետևյալ տողերը.

«Տիշներ նաև սրբասէր քահանայն Սարգիս Պիժակ՝ որ ժամանակին հայ նկարչաց, ոսկողաց և ծաղկողաց մէջ առաջինն կրնայ համարուիլ։ Գրազարկ շէն և բարգաւաճ եղած է գրեթե ժԲ. դարու սկիզբէն մինչև ժԳ. դարու կեսը»։

Կարդանք նաև բանասեր Կարապետ Հ. Բասմաջյանի «Հայոց հին գեղարվեստի վարպետները» խորագրով երկից հետևյալ տողերը.

7. «Հասկ», 1948 թ., № 12.  
 8. Հ. Առնոց Արևմտ. Միտոսան, էջ 517։

«Գործած է 1319—1334-ին. որդին է Խոյ Գրիգոր քահանայի և իրավամբ «հռչակաւորն» կոչված է մեր հիներեն։ Գծած է կրոնական բազմաթիվ գրչագիրներու նկարները։ Ասոր ձեռքով զարդարված գրչագիր մը կգտնուի Կ. Պոլսո Խասգյուղ թաղին հայոց եկեղեցիին մեջ»։

Սարգիս Պիժակի արվեստը վերլուծել է նաև օրիորդ Սիրարփի Տեր Ներսեսյանը, որի՝ «Սիոն» ամսագրում գրած «Հայ մանրանկարչության նկարագիրը ժԲ—ժԳ. դարաշրջանին» խորագրով հոդվածից առաջ բերենք մի էջ.

«ժԳ. դարու վերջերը, ասլովապետական այս արվեստը իր տեղը կուտա ավելի ժողովրդական նկարագրով նկարչության մը, որուն լիուլի բարգավաճումը գործն է Սարգիս Պիժակի։ Կարծես թե ազգային ավանդության պատկանող և Կիլիկիա ապաստանած նկարիչներն երբեմն ներմուծված արվեստը կվերածնի այդ թվականին փոքր ինչ տարրեր ձևով մը... Սարգիս Պիժակի դպրոցը ավելի կախորժի դործածելի կապաղովկական տարազները։ ժԲ. և ժԳ. դարերու նկարչությանց ոճը ավելի ճկուն է։ Անձերը, իրենց կանգնագեղ ձևերով, թե՛ ավելի վայելուչ և թե՛ ավելի պեսպիսուն կիցվածքներ ունին»<sup>9</sup>։

Չորս տարի անց, 1942 թվականին, օրիորդ Տեր Ներսեսյանն ավելի խորացնելով իր տեսակետը, «Հայաստանեայց Եկեղեցի»-ում տարանդավոր մանրանկարչի մասին գրել է.

«... Բայց Սարգիս Պիժակի և իր աշխատակիցներու ձեռագիրներուն մեջ մարդագիրեր գրեթե չկան, բուսական և երկրաչափական մոտիվներն բազկացած տաները ավելի պարզ են... Սարգիս Պիժակի ոճը արևելյան դրոշմ մը ունի»<sup>10</sup>։

Այնուհետև, 1952 թվականին, Սիրարփի Տեր Ներսեսյանը, Հայկազում, կիլիկյան արվեստի վրա տված բանախոսության ընթացքում Սարգիս Պիժակի մասին ընդգծել է հետևյալը.

«14-րդ դարուն՝ արդյունավոր աշխատանք մը ցույց կուտա Սարգիս Պիժակ. որմն մեծ թիվով ձեռագիրներ մեզի հասած են։ Սարգիս Պիժակի համբավը տարածված է նաև Կիլիկիո սահմաններեն գուրս։ Հայաստանի արևմտյան նահանգներուն մեջ կգտնենք Սարգիս Պիժակի ձեռագրերին մի քանին»<sup>11</sup>։

9. «Սիոն», 1938 թ., № 7, էջ 218.  
 10. «Հայաստանեայց եկեղեցի», 1942 թ., № 1, էջ 51.  
 11. «Արարածոց», № 2957, մայիս 30, 1952 թ.։

Ահա՛ «Գեղարվեստ»ի խմբագիր և արվեստագետ Գարեգին Լևոնյանի «Հայ գիրքը և տպագրության արվեստը» խորագրով հատորը, որի 36-րդ էջում կարդում ենք.

«Հետևյալ 13-րդ և 14-րդ դարերում գեղարվեստական գրքի զարգացումն այնպիսի բարձրության է հասնում, որ ո՛չ մի տեղ և ո՛չ մի ժամանակ չէր հասել Հայաստանում: Այս դարերը տվել են երկու խոշորագույն մանրանկարիչ արվեստագետներ՝ Թորոս Ռոսլին և Սարգիս Պիծակ, թե՛ մեկը և թե՛ մյուսը հայ գրքի մանրանկարչության արվեստը հասցրին իր գագաթնակետին: Եղել են և այլ հայտնի մանրանկարիչներ, ինչպես՝ Հակոբ Դպիր, Ավագ Կիրակոս և ուրիշներ»:



Կույր Հովհաննու Մանուկար Սարգիս Պիծակի

Արձանագրենք նաև Ռ. Դրամբյանի բնորոշումները: 1939 թվականին Մոսկվայում, ռուսերեն լեզվով հրատարակված «Պատկերներ Հայաստանի արվեստի պատմությունից» խորագրով գրքում (էջ 19—23) նա գրել է.

«Սարգիս Պիծակի մանրանկարները (մինիատյուրները) համեմատաբար ավելի կոպիտ են, չոր և անկյանք: Աչքի խփում են մարդակազմական սխալները, միշտ չափազանցրած կերպով մեծ են գլուխները: Սարգիս Պիծակն իր ժամանակին եղել է հայտնի նկարիչ և, ինչպես հրևում է, շատ արդյունավետ: Նրանից զարդանկարված բավական ձեռագրեր են մնացել: Նա

ներկայանում է այն ժամանակ, երբ կիրիկյան արվեստը գտնվում էր իր անկման շրջանում: Անհասկանալի է, թե ինչի վրա է հիմնված այս փառքը, որ տրադիցիոն կերպով պահպանվում է մինչև օրս: Այս բոլորը անհասկանալի են»:

Նույն գրքի 23-րդ էջում Ռ. Դրամբյանն իր կարծիքն արվելի է զարգացրել.

«Ռոսլինից հետո եկող նկարչական սերնդի մեջ Սարգիս Պիծակն է. իր մասին արդեն հիշել ենք և որի աշխատանքն արդեն տալիս են կիրիկյան արվեստի անկման նշանները: Մենք կարող ենք լրիվ պատկեր կազմել բավականին միակերպ նկարչի մասին իր շորս աշխատանքներից, որոնք պատկանում են տարբեր շրջանների, 1320—1352 և որոնք գտնվում են Երևանում: Սարգիս Պիծակը հանդիսանում է շարունակողը կիրիկյան արվեստի այն գրաֆիկական ճյուղի, որին պատկանում է Մարտիրոս նկարիչը, Ավետարանի հեղինակը, որը գտնվում է Հայաստանի կերպարվեստի պետական թանգարանում, № 78, և Սարգիս Պիծակի հայրը՝ նկարիչ Գրիգորը: Պիծակը բավական միակերպ նկարիչ է, որը միևնույն ձևերն է օգտագործում: Նրա մոտ դեմքերը կատարված են կաղապարային ձևով, մեկը նման է մյուսին, երիզված ուրվագծով: Նրա մոտ գույների ներդաշնակությունը շատ սղքատ է (երկնագույն, մոխրագույն, կանաչ), օսկու գործածությունը»:

Առաջ բերենք նաև երիտասարդ բանասեր Պերճ էրզյանի բնորոշումը: Պոլսում հրատարակվող «Սուրբ Փրկիչ» խորագրով ամսագրում «Հայ նշանավոր մանրանկարիչ Սարգիս Պիծակի անհայտ մեկ գործը» հոդվածում (1950 թ., Ա. տարի, № 9) նա գրել է.

«... Պիծակի արվեստը լի է նորանոր յղացումներով և գույներու հիանալի ներդաշնակությամբ... Պիծակի գիծերը քրնթույշ են ու ալկնահաճո, ոճավորված ծաղիկներուն և տերևներուն ու մոտիվներուն մեջ կան այլազանություն, բայց ոչ մեկ տեղ չափազանցություն կամ խճուղում: Անզուգահեճ այս արվեստագետը գույներու լավ լավ վարպետ մըն է միանգամայն... Ներկա գործին մեջ կտիրապետեն նախ օսկեգույնը, ծիրանի կարմիրը, կապույտը և ձիթենիի կանաչի զանազան երանգավորումները, սրճագույնը, ձերանկը և այլն: Պիծակ զարդանկարներու առնթիւր, մեծ վարպետություն ցույց տված է նաև մարդկային նկարներու մեջ»:

(Շարունակելի)